



Minni afgangur af viðskiptum við útlönd en erlend staða batnar

Á síðasta ári var 81,5 ma.kr. afgangur af viðskiptum við útlönd sem er aðeins minna en 2017 þegar 95,3 ma.kr. afgangur mældist. Hrein erlend staða í lok ársins var 279 ma.kr. (9,9% af VLF) og batnaði um 183 ma.kr. (6,6% af VLF) á árinu.

Fyrir lá að það yrði 159,2 ma.kr. halli af vöruskiptajöfnuði, 245,7 ma.kr. afgangur af þjónustujöfnuði, og því 86,5 ma.kr. afgangur af vöru- og þjónustuviðskiptum við útlönd.

Afgangur af þáttatekjufjöfnuði reyndist vera 16,8 ma.kr. en hallinn af rekstrarframlögum var 21,9 ma.kr. Þetta skýrir 5,1 ma.kr. lægri afgang af viðskiptajöfnuði en af vöru- og þjónustu.

Meiri afgangur en við bjuggumst við


Þetta er nokkuð meiri afgangur en við bjuggumst við, en í þjóðhagsspá okkar í október gerðum við ráð fyrir um 50 ma.kr. afgangi fyrir árið í heild.¹ Í þeirri spá gerðum við ráð fyrir áframhaldandi afgangi og að hann yrði að meðaltali 30 ma.kr. á árunum 2019-2021.

Uppsafnaður afgangur síðustu sex ár um 680 ma.kr.


Árið 2018 er sjötta árið í röð sem afgangur er af viðskiptum við útlönd, en síðast mældist halli árið 2012, en þá var hann 70 ma.kr. Þetta er mikil breyting frá því sem áður var, en í marga áratugi fram til 2012 var nær stöðugur halli á viðskiptum við útlönd.

Það er helst tvennt sem skýrir viðsnúninginn milli 2012 og árunna 2013-2016. Í fyrsta lagi var um 170 ma.kr. halli af þáttatekjufjöfnuði 2012, enda hrein erlend staða þjóðarbúsins neikvæð þá. Í öðru lagi hefur afgangur af þjónustujöfnuði aukist úr um 100 ma.kr. í um 250 ma.kr. Á þessu tímabili hefur hallinn af vöruskiptajöfnuði aukist jafn og þétt sem hefur orðið til þess að draga úr viðskiptaafganginum seinustu ár.

Viðskiptajöfnuður



Breyting á viðskiptajöfnuði milli 2017 og 2018



¹ Sjá <https://umraedan.landsbankinn.is/umraedan/efnahagsmal/hagspa-landsbankans-2018-2021/innflutningur-og-utflytningur/>




Stórbætt erlend staða þjóðarbúsins

Hrein erlend staða þjóðarbúsins hefur stórbatnað á þessu tímabili og farið úr því að vera neikvæð um sem nemur 493 ma.kr. (26,8% af VLF) í lok árs 2012 í að vera jákvæð um 279 ma.kr. (9,9% af VLF) í lok síðasta árs.


Verðlækkunir á erlendum verðbréfamörkuðum höfðu áhrif á erlenda stöðu þjóðarbúsins

Erlend staða þjóðarbúsins versnaði um 77 ma.kr. á fjórða ársfjórðungi. Munar þar mest um 78 ma.kr. lækkun á erlendum eignum innlendra aðila vegna virðis- og gengisbreytinga. Skýrist það aðallega af um 13% verðlækkun á erlendum verðbréfamörkuðum.

Erlend staða þjóðarbúsins



Breyting á hreinni erlendri stöðu á 4F



Innihald og form skjals þessa er unnið af starfsmönnum Hagfræðideildar Landsbankans hf. (hagfraedideild@landsbankinn.is) og byggist á aðgengilegum opinberum upplýsingum á þeim tíma sem greiningin var unnin. Mat á þeim upplýsingum endurspeglar skoðanir starfsmanna Hagfræðideildar Landsbankans á þeim degi þegar greiningin er dagsett, en þær geta breyst án fyrirvara.

Landsbankinn hf. og starfsfólk hans taka ekki ábyrgð á viðskiptum sem byggð eru á þeim upplýsingum og skoðunum sem hér eru settar fram, enda eru þær ekki veittar sem persónuleg ráðgjöf fyrir einstök viðskipti.

Bent skal á að Landsbankinn hf. getur á hverjum tíma haft beinna eða óbeinna hagsmuna að gæta, ýmist sjálfur, dótturfélög hans eða fyrir hönd viðskiptamanna, s.s. sem fjárfestir, lánardrottinn eða þjónustuaðili. Greiningar eru engu að síður unnar sjálfstætt af Hagfræðideild Landsbankans og innan Landsbankans eru í gildi reglur um aðskilnað starfssviða sem eru aðgengilegar á vef bankans.